

放生儀規

美國加州阿罕佛拉市 美佛寺 印贈
American Buddhist Fellowship Alhambra, California

放生儀軌

先於佛前置楊枝、水盂，捻香、燃燈，種種供養。然後以慈悲心，視所放眾生，念其沉淪，深生哀憫。復念三寶有大威力，能救拔之。作是觀已，默念想云：一心奉請大慈大悲觀世音菩薩，降臨道場，加持此水，具大功勳，沾洒所放眾生，令彼身心清淨，堪聞妙法。

◎ 一、楊枝淨水讚

楊枝淨水。遍灑三千。性空八德利人天。福壽廣增延。

滅罪除愆。火焰化紅蓮。（唱、念皆可）

南無清涼地菩薩摩訶薩（三稱、三問訊）

◎ 二、持咒

南無大悲觀世音菩薩 三稱

菩薩柳頭甘露水，能令一滴灑十方，
腥羶垢穢盡蠲除，令此道場悉清淨。

大悲咒 三遍 心經 一遍 自始至此、大眾同念。此下至念彌陀聖號之前、皆為主法一人白念。

千手千眼無礙大悲心陀羅尼

南無喝囉怛那哆囉夜耶。南無阿唎耶婆盧羯帝爍鉢囉耶。菩提薩埵婆耶。摩訶
薩埵婆耶。摩訶迦盧尼迦耶。唵。薩皤囉罰曳。數怛那寫。南無悉吉栗埵伊
蒙阿唎耶。婆盧吉帝室佛囉。楞馱婆。南無那囉謹墀。醯唎。摩訶皤哆沙咩。
薩婆阿他。豆輸朋。阿逝孕。薩婆薩哆。那摩婆薩多。那摩婆伽摩罰特豆。怛
姪他。唵。阿婆盧醯。盧迦帝。迦羅帝。夷醯唎。摩訶菩提薩埵。薩婆薩婆。
摩囉摩囉。摩醯摩醯唎馱孕。俱盧俱盧羯蒙。度盧度盧罰闍耶帝。摩訶罰闍耶
帝。陀囉陀囉。地唎尼。室佛囉耶。遮囉遮囉。麼麼罰摩囉。穆帝隸。伊醯伊
醯。室那室那。阿囉參佛囉舍利。罰沙罰參。佛囉舍耶。呼盧呼盧摩囉。呼盧
呼盧醯利。娑囉娑囉。悉唎悉唎。蘇嚧蘇嚧。菩提夜。菩提夜。菩提夜。菩提夜。菩提
夜。彌帝唎夜。那囉謹墀。地利瑟尼那。婆夜摩那。娑婆訶。悉陀夜。娑婆訶
。摩訶悉陀夜。娑婆訶。悉陀喻藝室皤囉夜。娑婆訶。那囉謹墀。娑婆訶。摩
囉那囉。娑婆訶。悉囉僧阿穆佉耶。娑婆訶。娑婆摩訶阿悉陀夜。娑婆訶。者
吉囉阿悉陀夜。娑婆訶。波陀摩羯悉哆夜。娑婆訶。那囉謹墀皤伽囉耶。娑婆
訶。摩婆利勝羯囉夜。娑婆訶。南無喝囉怛那哆囉夜耶。南無阿利耶婆羅吉帝
爍皤囉夜。娑婆訶。唵。悉殿都。漫多囉。跋陀耶。娑婆訶。

般若波羅蜜多心經

觀自在菩薩。行深般若波羅蜜多時。照見五蘊皆空。度一切苦厄。舍利子。色不異空。空不異色。色即是空。空即是色。受想行識。亦復如是。舍利子。是諸法空相。不生不滅。不垢不淨。不增不減。是故空中無色。無受想行識。無眼耳鼻舌身意。無色聲香味觸法。無眼界。乃至無意識界。無無明。亦無無明盡。乃至無老死。亦無老死盡。無苦集滅道。無智亦無得。以無所得故。菩提薩埵。依般若波羅蜜多故。心無罣礙。無罣礙故。無有恐怖。遠離顛倒夢想。究竟涅槃。三世諸佛。依般若波羅蜜多故。得阿耨多羅三藐三菩提。故知般若波羅蜜多。是大神咒。是大明咒。是無上咒。是無等等咒。能除一切苦。真實不虛。故說般若波羅蜜多咒。即說咒曰。

南無甘露王菩薩摩訶薩

（三稱、三拜）

◎ 三、啟請

香花迎 香花請

（和尚執手爐問訊）

弟子○○○、一心奉請、盡虛空遍法界、十方常住、佛法僧三寶。

（三請、更執手爐仰白。無手爐則合掌。）

◎ 四、法師白文

十方三寶釋迦本師。彌陀慈父。寶勝如來。觀音菩薩。流水長者子。天台永明諸大士等。惟願慈悲。證知護念。今有水陸飛行諸眾生。為他網捕將入死門。弟子○○發慈悲心。學菩薩行。贖其身命。放使逍遙。承順大乘經典。代為懺悔。授與三皈。稱揚十號。及說十二因緣。但以此類罪障深重。神識昏迷不能了知方等深法。仰乞十方三寶威德冥加。令其開悟。早得解脫。佛子念汝多生業重。墮在畜生。今為汝等。對三寶前。發露罪愆。汝當志誠。隨我懺悔。

◎ 五、懺悔、持咒

(法師唱一句大眾和一句)

往昔所造諸惡業 皆由無始貪瞋癡

從身語意之所生 一切我今皆懺悔 三遍

南無求懺悔菩薩摩訶薩 三遍

離婆離婆帝。求訶求訶帝。陀羅尼帝。尼訶囉帝。

毗黎你帝。摩訶迦帝。真陵乾帝。娑婆訶。 七遍

◎ 六、傳授皈依

諸佛子等。汝等不聞三寶。不解皈依。所以輪回三有。今墮畜生。我今授汝等三皈依法。汝今諦聽。諸佛子等。

皈依佛「皈依佛兩足尊」皈依佛不墮地獄

皈依法「皈依法離欲尊」皈依法不墮餓鬼

皈依僧「皈依僧眾中尊」皈依僧不墮畜生

皈依佛竟 皈依法竟 皈依僧竟 三說。法師說一遍。眾答一遍。

從今以往。稱佛為師。更不皈依邪魔外道。

從今以往。稱法為師。更不皈依外道典籍。

從今以往。稱僧為師。更不皈依外道邪眾。三說。如上說答。

◎ 七、法師開示

諸佛子等。皈依三寶已。我今更為汝說十二因緣。生相滅相。今汝等了知生滅之法。悟不生滅之法。當處究竟。當處清淨。當處自在。一究竟一切究竟。一清淨一切清淨。一自在一切自在。同於諸佛證大涅槃。所謂無明緣行。行緣識。識緣名色。名色緣六入。六入緣觸。觸

緣受。受緣愛。愛緣取。取緣有。有緣生。生緣老死憂悲苦惱。無明無性。本是諸佛不動之體。汝等執著。妄起無明。譬如病目。見空中花。既知是已。無明即滅。無明滅則行滅。行滅則識滅。識滅則名色滅。名色滅則六入滅。六入滅則觸滅。觸滅則受滅。受滅則取滅。取滅則有滅。有滅則生滅。生滅則老死憂悲苦惱滅。佛子。再為汝等稱四弘誓願。令汝得聞。依佛發願。依願修行。汝今謗聽。

◎ 八、發願

(法師唱一句大眾和一句)

眾生無邊誓願度	煩惱無盡誓願斷
法門無量誓願學	佛道無上誓願成
自性眾生誓願度	自性煩惱誓願斷
自性法門誓願學	自性佛道誓願成

三遍

◎ 九、稱讚如來名號

諸佛子等。我更為汝等稱贊如來吉祥名號。能令汝等。永離三途八難之苦。常為如來真淨佛子。

南無多寶如來
南無妙色身如來
南無離怖畏如來
南無阿彌陀如來

南無寶勝如來
南無廣博身如來
南無甘露王如來

三遍

◎ 十、放生

諸佛子等。此七如來。以誓願力。拔濟眾生。三稱其名。千生離苦。證無上道。惟願汝等。即放以後。永不遭遇惡魔吞敢。網捕相加。獲盡天年。命終之後。承三寶力。隨緣往生。持戒修行。見佛聞法。授菩薩記。轉化眾生。更願放生。弟子○○等菩提行願。念念增明。救護眾生。常如己想。得生安養見阿彌陀佛。證無生忍。分身塵刹。盡未來際。廣度眾生。並願捕生人等。回心向善。同得解脫。共證真常。

南無大乘常住三寶。
(三稱、三問訊)

主法和尚宣讀疏文

南無莊嚴無上菩提。
(三稱、三問訊)

◎十一、放生讚、念佛

胎卵濕化。多劫沉迷。皈依三寶發菩提。籠網捕兔離。
海闊天飛。隨佛生西天。

南無生佛界菩薩摩訶薩。(三稱、三問訊)

阿彌陀佛身金色。相好光明無等倫。

白毫宛轉五須彌。紺目澄清四大海。

光中化佛無數億。化菩薩眾亦無邊。

四十八願度眾生。九品咸令登彼岸。

南無西方極樂世界。大慈大悲。阿彌陀佛。

南無阿彌陀佛。稱念一千或念五百隨意皆得

南無觀世音菩薩。

南無大勢至菩薩。

南無清淨大海眾菩薩。各三遍

◎ 十二、回向

放生功德殊勝行。無邊勝福皆迴向。
普願沉溺諸眾生。速往無量光佛剎。
十方三世一切佛。一切菩薩摩訶薩。
摩訶般若波羅蜜。

願以此功德。莊嚴佛淨土。
上報四重恩。下濟三途苦。
若有見聞者。悉發菩提心。
盡此一報身。同生極樂國。